

Universitätsbibliothek Paderborn

Summula Casuum Conscientiæ

In Qva Agitvr De Præceptis Ecclesiæ, De Officio Confessarii, Ac De
Censvris


Petrus <a Sancto Josepho>

Coloniæ Agrippinæ, 1652

Capvt III. De tertio Ecclesiæ præcepto, Quo iubemur communicare semel
in anno.

urn:nbn:de:hbz:466:1-41572

non sit approbatus ab Episcopo. 4. si careat iurisdictione. 5. si ob distractiones, aut somnolentiam ad peccata mortalia non aduertat. 6. si careat scientia necessaria ad valorem Sacramenti. 7. si essentialia formæ verba non proferat. Quæ omnia lucem accipient, ex dicendis infra de officio confessarij.



CAPUT III.

DE III. ECCLESIAE

PRÆCEPTO,

*QVO IVBEMVR COMMVNICARV
semel in Anno.*

ARTICVLVS I.

An detur aliquod Præceptum sumendi Eucharistiam.

BESPONDEO I. extare præceptum Diuinum sumendi Eucharistiam, omnes homines ratione vrentes sub peccato mortali obligans, ut satis intelligitur ex verbis illis Christi Ioann. 6. *Nisi manducaveritis carnem Filij hominis, & biberitis eius sanguinem, non habebitis vitam in vobis.*

Hoc præceptum per se obligat in articulo mortis, ut patet ex praxi Ecclesiæ, quæ semper magna sollicitudine curauit, ut extremè laborantibus conferretur viaticum. Et sanè cùm ex Euangelio constet de institutione, non de tempore huius præcepti, ratione valde consentaneum est, ut dicamus tunc obligare, quando usus Eucharistiae est maximè necessarius, nimurum in mortis articulo: quia eo præsertim tempore tenentur homines vires spirituales reficere, cum cor-

corporalibus destituuntur, & media adhibere quæ ad gratiam augendam, & conseruandam valde con-
ducunt, inter quæ præcūcum locum tenet Eucha-
ristia.

Ex quo iure ligis, eos qui mortem violentam pa-
tiuntur, obligari hoc præcepto. Vnde tenentur iu-
dices reis ad mortem damnatis concedere tempus
necessarium, ut peccata Sacramentaliter confiteri, &
ad Eucharistiam accedere possint. Neque opposita
consuetudo probanda est, cum sit contra ius diuinum
in quo homines dispensare non possunt.

Quidam existimant, eum qui in Paschate, vel alijs
ex deuotione Eucharistiam sumpsit, si post aliquot
dies incidat in periculum mortis, non teneti de no-
vo ad communionem accedere: quia cum communica-
tum, iam moraliter extabat tale periculum. Oppo-
siti tamen probabilius est, & in praxi teneandum,
etiam si quis pridie quamcadam cadat in periculum, sanus
communicasset.

Respondeo: præter illud præceptum diuinum su-
mendi Eucharistiam in articulo mortis, dari præce-
ptum Ecclesiasticum commuicandi semel in anno
nimatum in Paschate, ut colligitur ex cap. *Omnis viri-*
sque, & ex praxi ubique recepta.

Hoc præcepto obligantur omnes baptizati ratio-
neventes; quod tamen non ita strictè accipien-
dum est, ut infantes ad illud teneantur, statim atque
incipiunt vti ratione, cum ex consuetudine, quæ op-
tima est legum interpres, non admittantur infantes
ad communionem, statim atque ratione vtuntur, si-
c ut admittuntur ad confessionem; sed tantum quando
sufficienti prædicti sunt iudicio, ut cum reverentia
majori, huic Sacramento præ aliis debita, communi-
care possint. Quo fit ut alij citius, alij tardius ad sum-
ptione illius Sacramenti obligetur; eo quod alij sunt
præcocioris ingenii, alij tardioris. Qua de re iudicia
unius sit penes prudentē confessariū, qui varijs interrog-
ationibus deprehendere poterit, quādonā infantes

ad eum accedentes, sufficienti iudicio prædicti sumi
vt ad Eucharistia communionem admitti debeant.

Cum dicimus hoc præceptum obligare in Paschale,
nomine Paschatis non intelligimus præcisè ipsius
dies Resurrectionis Dominicæ, sed tempus cur-
rens à Dominicâ Palmatum, usque ad Octauam Pas-
chæ inclusuè: ita vt satisfaciat præcepto Ecclesiæ
qui semel communicat intra illos quindecim dies
Imò aliqui aduentunt consuetudine variis locis re-
ceptū esse, vt in tota Quadragesima, & octo, vel etiam
quindecim diebus seq̄uentibus, huic præcepto sati-
fieri possit.

Tempus prædictum non est ita determinatum,
quoniam ex consilio proprii Sacerdotis, communio extra
illud possit differri, ex rationabili causa. Dicitur autem
hoc loco prorsus Sacerdos, quiunque potest
legitimè Eucharistiam Paschalem, de qua hic agimus,
administrare.

Tenentur fideles sub peccato mortali, semel com-
municare intra prædictam quindeniam, in propria
Parochia; qui tamen aliqua illius die huic præcepto
satisfecit, potest aliis diebus communicare ex deno-
tione in aliis Ecclesiis.

Qui non posunt tempore Paschali propriam Pa-
rochiam adire, vt viatores, tenentur in Parochia in
qua pro tempore versantur, communionem Pascha-
lem sumere: cum verisimile non sit, eos ob absentiam
à propria Parochia, liberos esse ab obligatione præ-
cipi, de Communione annua.

Cum præceptum communionis determinetur ad
tempus Paschale, qui præuidet impedimentum co-
tempore superuenturum, non tenetur communionem
anticipare; sicut non tenetur die Sabbati sacramentum
dire; qui præuidet se die sequenti ita impediendum,
vt Missæ interesse non possit. Et ob eandem ratio-
nem, probabile est cum quin non communicauit in
Paschate, non teneri elapsu co tempore, primadat
opportunitate ad Eucharistiam accedere. Oppo-
situm

situm tamen in utroque casu tutius est , & in praxi
suadendum.

Aliorum est probabilis sententia, eum non sa-
tisfacere præcepto Ecclesiastico de communione
Paschali, qui ad Eucharistiā accedit in peccato mor-
tali. Verū sententia communis statuit eum satisfa-
cere, quia cùm verè sumat Sacramentum Euchari-
stie, præceptum implet quoad substantiā, quod suf-
ficit. Vnde et si ille indignè omninuando graniter
peccet, non tamen tenetur tempore Paschali itetum
communi arc; sicut qui die festo sacro interfuit in
peccato mortali, non tenetur eadem die aliam Mis-
sam audire, ut Ecclesiæ præcepto satisfaciat.

Quamvis fideles non teneantur communicare ni-
si in Paschate, & in articulo mortis, optimum tamen
consilium est, vt frequenter ad hoc Sacramentum
cum debita dispositione, de qua postea, accedant.
Cùm enim fons gratiarum Christus in eo realiter
contineatur, dubium non est quin magnum gratiæ
augmentum ex eo percepturi sint.

Ne refert quòd omnes ferè homines in peccata
venialia sèpissime incident, hoc enim non sufficit
vt retrahi debeant à frequenti Cōmunione; quin po-
tius hinc moneri debent ad frequentandā Eucharistiā
cum ea magnam vim habeat ad remittenda pec-
cata venialia. Imò qui experiuntur se frequenter pec-
catis mortalibus fœdari, ad frequētem communio-
nem hortaudi sunt; eo quòd Eucharistia instituta est
tanquam antidotum, quo non modo libereinur à
culpis venialibus sed etiam a mortalibus præserue-
mur, vt Concil. Trident. sess. 13. cap. 2. disertè docet.
Ipsaque experientia ostendit plerosque virtute huius
Sacramenti vitam sanctè transfigere, qui alias cùm ad
illud raro accedebant, in grauia peccata præcipites
tuere solebant.

Quām frequens autē esse debeat usus Eucharistie,
iudicium sit penes prudentem priusque confessarium,
qui aliam his aliā aliis iuxta diuersitatem dispositio-

num, statuum, & p̄sonarum regulam, quod hoc prescribere debet. Ita ut alios permittat communicare semel vnaquaque hebdomada, alios tantum seme, in mente, &c. Quod dictum volo de secularibus, nam Religiosi, & Moniales debent ut plurimum frequentius ad Eucharistiam accedere, iuxta regularum quas profitentur præscriptum, aut piam consuetudinem in eorum Monasteriis receptam.

Etsi communio possit aliis quam sumenti prodere, ex opere operantis, non tamen ex opere operato. Vnde decipiuntur qui sumunt Eucharistiam pro mortuis, quatenus putant animas in purgatorio existentes ea sumpt one ex vi ipsius sacramenti, seu ex opere operato non parum leuari. Quo sensu S. Thomas p. q. 79. art. 7. ad 3 docet, ex hoc quod aliquis sumit corpus Christi, vel etiam plures, non accrescit aliis aliquod iuuamentum.

ARTICVLVS II.

Quenam dispositiones requirantur ex parte corporis, ad Eucharistiam dignè recipiendam.

RESPONDEO I. Eucharistiam regulariter non esse sumendam nisi à ie uno, ut patet ex communioni, & antiqua Ecclesiæ praxi.

Quod ita intellige, ut non debeat ad communionem accedere qui vel minimum cibum aut potum, etiam per modum medicinæ ea die sumpsit. Vnde qui à media nocte parum saccari, vel alterius rei similis deglutiuit, à communione abstinere debet. Idem consulerem ei qui dubitat se aliquid degluttisse, propter reverentiam Sacramenti: quanquam aliqui non improbabiliter existimant, præceptum Ecclesiasticum non tam arctè ligare conscientias in casu dubio.

Potest tamen communicare, qui ad vitandum ac-

rem noxiū, aromata dentibus terit, modonihil deglutiāt: item qui os abluendo, casu traiecit parum aqua in stomachum, aut reliquias cibis dentibus adhaerentes; quia ista non sumuntur per modum cibis, aut potus, sed per modum saliuæ. Et idem dicendum puto de eo qui incogitanter parum chārtæ, aut ligni, vel muscam traiicit.

Verū tres assignari solent casus, in quibus sumpto tibi licet Eucharistiam sumere. I. est quando id postulat reuerentia Sacramenti, ut si periculum sit ne ab hereticis iniuriosè tractetur, tunc enim si in loco tutto collocari non potest, à non iejuno sumi debet, si alius non adsit.

II. quando id requiritur ad perfectionem sacrificij, ut si quis sacrum celebando, aquam provino consecravit, & sumpsit; ille enim et si non iejunus, tenetur vinum de novo consecrare, & sumere ad perfectionem sacrificij.

Item qui post consecrationem recordatur se non esse iejunum, tenetur sacrum perficere. Quod si id aduerit ante consecrationem, quamvis ab aliis utē non teneatur ex communī sententia, à sacro inchoato desistere, etiam si possit ab altari recedere sine vīlo infamia periculo, tutius tamen est, & congruentius in ea circumstantia, ut sacrum non perficiat, præsertim si Canonem non incepit.

Eodem modo particulae consecratæ, quæ post sumptam ablationem Calici vel patenæ adhaerescunt, possunt à Celebrante sumi quā diu est ad altare. Quia cum spescent ad perfectionem Communionis præcedentis, tota consumptio Hostiæ moraliter censetur facta à Sacerdote iejuno.

Quod si sacerdos postquam ab altari recessit ad uertat particulas quasdam in Calice, vel patena superesse, debet curare ut ex honesto in loco seruentur, donec in alio Sacrificio ante ablationem sumi possint. Quod si locus non patitur ut sic seruentur, debet eam tunc reuerenter sumere.

Nec putes congruentius esse eas consumenda portigere Laico praesenti, qui paulo ante Eucharistiam sumpsit, et si nec dum ieiunium soluit. Hac enim particularum sumptio esset noua Communio, à priori distincta respectu Laici, non autem respectu sacerdotis, ad cuius officium spectat sacrificium perficie, & integrè consumere.

III. Et valde vulgaris casus est, quando aliquis in extremis positus Viatico indiget, nec sine periculo differre potest communionem in aliud tempus, nisi ieiunus communicet: tunc enim ille omnium consensu, sumpto cibo communicare potest. Imo quanquam possit ante cibum Eucharistiam sumere, si ad ipsius intempesta nocte deferatur, magis expedit ob reuerentiam Sacramenti, ut ieiunio soluto expectet, donec ipsi congruo tempore, & reuerenter administrari queat.

An autem qui in articulo mortis communionem semel sumpsit non ieiunus, possit iterum in eadem infirmitate communicare non ieiunus, dubitatur inter Authores, quorum aliqui negatiuam partem tenuerunt, alij & multo plures, affirmatiuam, cui praxis Ecclesiaz facit. Quia etsi agronus per primā communionem in pleuerit praeceptum diuinū; de sumenda Eucharistia in periculo mortis, si tamen adhuc per plures dies idem periculum durat, pia mater Ecclesia verisimiliter non intendit ut priuetur hoc Sacramento, quod ad roborandum illius animum, contra tentationes tunc occurrentes multum conducere potest.

Sed adhuc queritur, quanta intercedere debet temporis distantia, inter duas communiones ieiunio soluto factas. Aliqui dicunt requiri triginta dies, sed hoc nimis rigidum est, & communiter rejicitur. Alij putant sufficere tres dies, imo si quis ex grevi abstinet vel vna die sanctissimo Sacramento, quidam aiunt eum statim sequenti die posse communicare non ieiunum, modo periculum mortis instet. Verum hac opinio nimis laxa videtur, adeoque standum communioni

muniori sententiae quæ ipsatum vnius hebdomadæ
inter utramque communionem postulat.

Vnde qui ob mortis periculum, die Dominicæ v.c.
viaticum sumpsit non iejunus, potest se uenti Dominica iterum communicare post cibum, si adhuc medicorum iudicio periclitatur, nec potest commodeante sumptionem cibi, aut medicina ad Eucharistiam accedere. Quod si periculum illud per plures hebdomadas durat, aut renouatur, toties potest infirmus, et si non iejunus, communicare, si aliter ad hoc sacramentum accedere nequit.

Non est necesse, ut qui accedit ad Eucharistiam,
digesserit cibum precedentis diei, aut post illius sumptionem dormierit, hoc enim nullo iure præcipitur.
Quare qui in Vigilia Nativitatis Domini, paulo ante medianam noctem comedit potest in Missa, quæ post medianam noctem celebrari solet, Eucharistiam sumere, et si non dormierit, & cibum non digesserit.
Quia cum iejunium incipiat à media nocte, id non impedit quin iejunus ad communionem accedat.

Non est peccatum statim post communionem cibum sumere; expedit tamen ob reuerentiam Sacramenti, ut comedio aliquandiu differatur.

Respondeo 2. et si non nulli existimant, non esse peccatum veniale per se loquendo, accedere ad Eucharistiam statim post confessionem cuiuscunque peccati mortalis & eadem die commissi probabiliorem tamen videri eorum sententiam qui dicunt, peccatum saltem carnale impedire subveni sumptionem Eucharistie, ea die qua commissum est, et si per confessionem deletum sit. Quia negari non potest, quin tam cito post huiusmodi fœditatem corporalem, accedere ad hoc Sacramentum, sit quædam irreuerentia venialis erga Christum. Iohannes puritatis Authorem, nisi causa aliqua grauioris momenti communionem tunc suadeat.

Dico sub veniali, quod enim dicunt aliqui, esse peccatum mortale accedere ad hoc Sacramentum, an-

diem integrum post quodcumque peccatum mortale etiam contritione & confessione deletum, nullo iure, aut solida ratione probari potest ; adeoque omnino improbabile reiiciendum est.

Spectabit tamen ad prudentiam confessarii, interdum praecipere poenitenti qui incidit in peccatum mortale, ut aliquandiu differat communionem, etiabsolutionem sacramenta emat tali peccato evitenderit, si nimis ex una parte nulla sit causa virginis tam cito accedendi ad Eucharistiam, & aliunde dilatio communionis per aliquot dies, ipsi poenitenti profutura iudicetur. Quod maximè accipiendum est de priuata communione, nam cum iusta causa celebrandi Missam sèpè occurrat, eo quod sacrificium Missæ in bonum commune ordinatur, non tam facile debet Sacerdos ob peccatum dimissum impediri celebrationem Sacri, quam non Sacerdos à priuata communione.

Non est peccatum communicare post nocturnam pollutionem, quæ sine villo peccato accidit. Neque tiam peccant coniuges, qui post copulam carnalem inculpatè habitam ad Eucharistiam accedunt. Ex congruentia tamen & honestate, communionem aliquanto tempore differre debent, ut cum maiori animi, & corporis puritate accedere possint.

Respondeo 3. Eucharistiam sumendam esse cum genitu corporis, & vestitu modesto, ut res ipsa per se sat loquitur. Vnde oburganda sunt mulieres illæ quæ fucata facie, & pectore aperto ad hoc Sacramentum accedunt; immo & nisi resipiscant à communione repelienda propter scandalum quod inde oriri solet.

ARTICVLVS III.

*Quanam dispositiones requirantur ex parte anima,
ad dignam susceptionem Eucha-
ristis.*

RESPONDEO I. requiri statum gratiæ; quia hoc est sacramentum viuorum, quod non nisi vita spirituali prædictis conferri debet. Vnde accedere ad illud cum conscientia peccati mortalis, graue est peccatum mortale, eo que grauius, quo maius est peccatum cum quo acceditur.

*R*esponeo 2. non sufficere statum gratiæ, sed præterea requiri confessionem in eo qui peccauit mortaliiter, et si per actum contritionis, extra Sacramentum iustificatus sit. Hæc enim est probatio illa, quam Apostolus sumptioni Eucharistie præmittendam docet, ut statuitur in Concil. Trident. sess. 13. Cap. 7.

Vnde hoc obseruandum est discrimin inter Eucharistiam, & reliqua Sacraenta, quod sumens Eucharistiam tenetur prius confitei, si habet conscientiam peccati mortalis, accedens vero ad alia sacraenta, cum conscientia peccati mortalis, non tenetur præmittere confessionem Sacramentalem, sed sufficit quod ea cum contritione suscipiat. Excipe, nisi etiam in eorum susceptione communicare debat, ut sit in sacra ordinatione, tunc enim ratione Eucharistie, peccati mortalis confessio præcedere debet.

Potest tamen quis habens conscientiam peccati mortalis, communicare sine confessione, iuxta Trident. loco citato quando duæ circunstantiæ occurserunt, altera ut sit necessitas sumendi Eucharistiam, altera ut desit confessarius. Circa hæc autem dup ex difficultas tractari potest prior ad quos casus se extendat

38
tendat necessitas illa communicandi, propter quam
deficiente confessario licet non præmissa confessio-
ne ad Eucharistiam accedere. Posterior, in quibus c-
sibus censatur non haberi copia confessarij. Verum
hæc dubia commodiūs expedientur sequentibus
articulis.

*Respondeo 3. ad omnino dignam susceptionem Eu-
charistie, requiri ut suscipiens doleat de peccato ve-
niali, quod antea commisit, & in ipsa susceptione co-
met peccatum veniale. Ita ut venialiter peccet, tum
si accedat sine ullo dolore peccati venialis, cuius re-
missionem nondum obtinuit, tum maximè si in ipsa
susceptione Eucharistie peccatum veniale actu per-
petret, ut si motum vanæ gloriæ admittat, aut distra-
ctionem non reieciat. Non enim negari potest, quin
sit aliqualis irreuerentia erga hoc sanctissimum Sa-
cramentum, cum ea dispositione ad illud accedere.
Ac præterea quia sic accedens, ponit obicem quibus-
dam effectibus secundariis Eucharistie, nempe re-
missioni peccatorum venialium, & feruori charita-
tis; esto non ponat obicem augmento gratiæ, quod
est effectus illius principalis.*

*Hinc autem collige, Eucharistiam per se loquen-
do, cum actuali attentione, & deuotione sumendam
esse, ut integrum effectum in suscipiente habeat.
Quod tamen non impedit, quin possit administrari
Eucharistie, ei qui post usum rationis, incidit in am-
bitiam, si versetur in periculo mortis. Ille enim si ini-
stus est, potest recipere augmentum gratiæ virtute
huius Sacramenti; si vero in peccato mortali ver-
tar, fieri potest ut ante amentiam actum attritionis
elicuerit, adeoque per susceptionem Eucharistie iu-
stificetur. Quare si probabiliter constat amentum vel
esse iustum, vel de peccatis præteritis sufficieret do-
luisse, antequam incidet in amentiam, tenetur pa-
rochus ei in extremis positio Eucharistiam porrigere,
modo sine periculo irreuerentia id fieri possit.*

Quo loco quatuor obseruanda sunt, I. Non esse di-

dam Eucharistiam amentibus, si iudicio medici vslū rationis sint recuperaturi, antequam ē vita excedant, sed expectandum donec delirium cessauerit.

II. Ex communī sententia non esse porrigendum Eucharistiam amentibus corpore sanis, ad seruandum præceptum Ecclesiasticum de communione Paschali, sed tantum extremè laborantibus, ne sine viatico iurecent.

III. An amentes decenter communicaturi sint, posse deprehendi, si prius ad periculum faciendum, detur illis hostia non consecrata, si enim illam sine irreuerentia sumant, poterit illis Eucharistia porrigi, securi si irreuerenter se habeant.

IV. Eos qui amentia minime perpetua laborant, posse cōmunicare quando lucida habent interualia itemque semifatuos ad communionem Paschalem admitti posse.

ARTICVLVS IV.

Quanam necessitas sufficiat, ut quis defectu confessarii, non præmissa confessione peccati mortalis, ad Eucharistiam accedere possit.

RESPONDEO 1. necessitatē communicandi in periculo mortis, ad seruandū præceptum Divinum, sufficere ut defectu Sacerdotis, liceat nō præmissa confessione peccati mortalis, ad Eucharistiam accedere. Vnde in eo periculo constitutus, potest cum contritione Eucharistiā à Diacono accipere.

Respondeo 2. probabile esse, etiam quando instat præceptum Ecclesiasticum cōmunicandi in Paschate, carentem confessario posse non præmissa confessione peccati mortalis, Eucharistiam recipere, modo probabiliter contritus sit. Si quidem tunc adest necessitas cōmunicandi ob præceptū Ecclesiar, adeo-

que Concilium Trident. de casu illo commode intelligi posse videtur. Quod autem addunt aliqui, deficiente confessario, licere accedere ad communionem, non praemissa confessione peccati mortalis, diebus Festis, cum quis se sperat ex ea communione fructum non exiguum per epurum, parum tutum videtur; cum nulla tunc sit necessitas communicandi, & fructus ille aliis modis suppleri possit.

Respondeo 3. carentem confessario, posse contritum ad Eucharistiam, sine confessione accedere, quotiescumque non potest omittere communionem sine graui infamia, vel scandalo. Quia praeceptum præmittendæ confessionis susceptioni Eucharistie, non tam censetur obligare, quam præceptum conservandi propriam famam, & vitandi scandalum.

Respondeo 4. ex aliquorum sententia, eum qui iam ad linteum Mensæ Diuinæ communicaturus accessit, & recordatur alicuius peccati mortalis in confessione oblii, non teneri surgere è Mensa ad quærendum confessarium, sed posse non praemissa confessione talis peccati ad Eucharistiam accedere, etiam citra periculum scandalii, vel infamiae. Quia ille iam institutus est per confessionem formaliter integrum, & aliunde valde indecessus est quod à Sacra Mensa recedat, ante sumptam Eucharistiam. Verum hoc aliis communiter non placet, neque etiam nobis probatur, nisi quando non potest quis ab altari ante communionem recedere, sine aliqua infamia, & adstantium scandalo. Quia alias non habet locum necessitas illa communicandi, quam exigit Concilium, ut liceat communicare, non praemissa confessione peccati mortalis.

Vbi nota, nonnullos Authores meritò hic distinguere inter scandalum & populi admirationem. Dicunt enim solam admirationem non sufficere, ut quis communicet sine confessione peccati mortalis, sed requiri scandalum propriè dictum, quod habet

habet locum , quando datur occasio detrahendi de proximo, eumque infamandi. Vnde aiunt, eum qui ad linteum communicaturus accessit, & recordatur peccati mortalis non confessi, teneri hinc recedere, ut ab illo peccato absoluatur ante Communionem, si ex eo recessu nihil aliud sequiturū est, quād quādam adstantium admiratio, posse verò communicare non præmissa confessione talis peccati, si ex illius recessu adstantes sumpturi sunt occasionem de eo detrahendi, vel tamen merè iudicandi.

Si quāras, an quando quis communicat cum conscientia peccati mortalis, inculpabiliter in confessione prætermissi teneatur elicer actu contritionis, antequam sumat Eucharistiam. Respondeo id non videri absolutè necessarium, cùm supponamus illum per confessionē fuisse etiam à tali peccato iustificatum, adeoque in statu gratiae versari. Non dubium tamen quin longè tutius sit, cum ea dispositione accedere.

ARTICVLVS V.

In quibus casibus censetur deesse Confessarius

RESPONDEO deesse confessarium, tum quando neque præsens adest Sacerdos, neque sine graui incommodo, spectatis iuxta viri prudentis arbitriū, personarum loco: um, & temporum circunstantiis, conueniri potest. Tum quando adest quidem Sacerdos sed ille caret iurisdictione necessaria ad absolvendū à peccatis mortalibus, vel à reseruatis quibus communicaturus obstrictus est. Tum quādo, etsi Sacerdos præ ens sufficienti iurisdictione præditus sit, periculum tamen est ne sigillum Sacramentale frangat, aut grauiter noceat pœnitenti, si peccatum mortale quod commisit, illi manifestet.

Vbi nota I. sufficere in articulo mortis, quod adsit simplex Sacerdos carens iurisdictione, tunc enim il-

le potest ex confessione Ecclesie, absoluere à quibus cumque peccatis. Quare si moriens habet copiam talis Sacerdotis, tenetur ei confiteri peccata mortalia, quorum habet conscientiam, antequam communicet; immo et si communicare non posse.

Si vero dum urget Præceptum Ecclesiasticum communio Paschalis, aut alias quando communione scandalum, vel graui nota omitti nequit, adest tantum simplex Sacerdos, carens iurisdictione in mortalia, tunc absolute videtur deesse confessarius, adeoque ad Eucharistiam, non præmissa confessione, accedere licet. Si tamen communicaturus putat se tantum esse attritum, tenetur confiteri veniam simplici Sacerdoti, ut vi Sacramenti ex attrito fiat contritus, & ad Eucharistiam cum gratia accedat.

Not. 2.: cum qui habet casum reseruatum, posse non præmissa illius confessione ad Eucharistiam accedere, quando instat necessitas communionis, nec adest confessarius habens iurisdictionem in reseruata. Dico, non præmissa illius confessione, nam si pater peccatum reseruatum, habet alia mortalia non reseruata, tenetur ea confiteri, si habet copiam Sacerdotis approbati. Quod autem dicunt aliqui, cum teneri tunc confiteri etiam peccata reserata, id quidem tutius est, sed non necessarium, cum maneat obligatio eadem peccata alias confitendi, nimisque durum sit, pœnitentem, ad eadem peccata bis confitenda, cogere.

Hinc autem nonnulli colligunt, si non potest Religiosus sine scandalum, vel infamia communionem aliquo die omittere, & super or non vult dare facultatem ipsius confessario, viro pio & prudenti, ad confessiones Regularium audiendas approbato, & exposito, cum absoluenda a peccato reseruato, tunc perinde esse ac si non adest et confessarius, adeoque licet predicto Religioso ad Eucharistiam, sine confessione accedere. Quia nam s. durum, & tyrannicum est cogere.

cogere inferiores, ut se Superiori ipsi præsentent, ad obtinendam absolutionem à reseruatis.

Imo addunt aliqui, eo ipso quod Superior immediatus plures requisitus, negavit prædictam licentiam, posse Religiosum absolui à suo confessario, ex tacita concessione maiorum Superiorum, nempe Provincialis, aut Generalis, vel ipsius Papæ, qui tunc censetur eam concedere, ne casuum reseruatio, quæ in bonum spirituale subditorum facta est, in maiorem eorum perniciem vergat. Hoc tamen non caret periculo; adeoque in praxi minimè consulendum videtur. Quamquam non dubito, quin grauter peccant Superioris, nisi faciles se præbeant in conceienda prædicta licentia.

Nota 3. cum dum instat necessitas communicandi, habet tantum peccatum mortale, quod sine gravi periculo manifestare nequit, posse non præmissa confessione, ad Eucharistiam accederet; si vero aliorum peccatorum mortalium, ex quorum reuelatione nullum sibi graue damnum timet, conscient est, teneri eorum confessionem Eucharistia sumptioni præmittere.

Atque hæc dicta sint de communione Laica. *Quod si speciatim* inquiras, in quibus casibus possit Sacerdos carceris confessario, sacram facere non præmissa confessione peccati mortalis: Respondeo eum id posse in variis casibus: 1. quando tenetur ex officio celebrare, ut alij Missam audiant. 2. Quando Hostia consecranda est, ut viaticum detur morienti. 3. si inequeat sacram aliquo die omittere sine nota, vel scandalo. 4. si aliquo die Festo non possit sacro assistere, nisi ipsemet celebret.

Vix nota 1. quod si Sacerdos post consecrationem aduerit se esse in peccato mortali, tenetur sacram prosequi, & communicare sine confessione, etsi adhuc præsens Sacerdos cui confiteri possit. At si recordatur peccati mortalis ante consecrationem, debet ad altare vocare Sacerdotem ut illi confiteatur, si id sine

64
sine incômodo fieri possit. Quod si id fieri nequa-
vel potest sine infamia sacrum inchoatum relinque-
re, vel non potest; si non potest, debet prosequi vi-
tæ infamiam; si potest, quamvis non peccet sacrum
prosequendo, tamen est ut ab altari recedat.

Nota 2. ex Concil. Trident. vbi supra, Sacerdotem
qui urgente necessitate absque prævia confessione
celebrauit, debere quamprimum confiteri. Quia
hac ita communiter intelliguntur, ut contineantur
rum præceptum, adeoque Sacerdos peccet mortali-
ter nisi confiteatur, vel statim finita Missa, ut alii
putant, vel certè intra duos, aut tres dies ut alii op-
niantur. Porro hoc præcepto non ligatur Sacerdos,
qui habens copiam confessarij, celebrauit sine confes-
sione peccati mortalis; quia ille non celebrat ex ne-
cessitate sine confessione, sed ex malitia. Neque etiam
ligatur Laicus, communicans ex necessitate sine con-
fessione, quia Concilium non loquitur de communi-
cante, sed de celebrante. Ex quo patet Sacerdotem in
necessitate communicantem more Laicorum,
non præmissa confessione peccati mortalis, prædicto
præcepto non constringi.

Nota 3. præceptum eiunij seruand antea sumptio-
nem Eucharistie, magis quodammodo obligat
quam præceptum præmittendæ confessionis. Si qui-
dem ex communi sententia, potest Sacerdos carcer
confessario, sacrum facere non præmissa confessione
peccati mortalis, ut det viaticum morienti: at quam-
uis Sacerdos ritè confessus sit, si tamen non sit
ieiunus, ei nequaquam licet sacrificia-
re, ad Eucharistiam in extremis
constituto administran-
dam.